



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2328/11
Sarajevo, 27.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-02-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-13		11	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na pitanje koje je postavila Aleksandra Pandurević, zastupnica u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2328/11

Sarajevo, 23.2.2012. godine

Aleksandra Pandurević, poslanik u Predstavničkom domu Parlamentarne Skupštine Bosne i Hercegovine, na 13. sjednici Predstavničkog doma Parlamentarne skupštine Bosne i Hercegovine: „Poslanici/Delegati pitaju-Vijeće ministara odgovara“ održanoj 10.11.2011. godine, postavila je sljedeće poslaničko pitanje:

1. „Da li Savjet ministara ima u planu, i ako ima – kada, da predloži izmjene i dopune Zakona o platama i naknadama u institucijama BiH kojim bi se svim policijskim službenicima zaposlenim u Direkciji za koordinaciju policijskih tijela BiH obezbjedilo da imaju ista prava, u konkretnom slučaju pravo na naknadu, kao i policijski službenici u Državnoj agenciji za istrage i zaštitu BiH i Graničnoj policiji BiH?“

Na postavljeno pitanje, Vijeće ministara Bosne i Hercegovine je na 2. sjednici održanoj 23. 2. 2012. godine, utvrdilo sljedeći

ODGOVOR

U vezi sa postavljenim pitanjem obavještavamo vas da je Ministarstvo sigurnosti Bosne i Hercegovine dana 15.11.2010.godine zaprimilo od Direkcije za koordinaciju policijskih tijela BiH inicijativu za izmjenu i dopunu Zakona o platama i naknadama u institucijama BiH, odnosno prijedlog da se u isti zakon uvrsti pravo na policijski dodatak i za policijske službenike u Direkciji za koordinaciju policijskih tijela BiH identično, kao što je propisano za policijske službenike u Državnoj agenciji za istrage i zaštitu BiH i Graničnoj policiji BiH. Takođe prijedlog se odnosio i na državne službenike koji obavljaju stručno-operativne poslove u Direkciji za koordinaciju policijskih tijela BiH.

Na osnovu upućene inicijative Ministarstvo sigurnosti Bosne i Hercegovine dana 18.11.2010.godine obratilo se Ministarstvu finansija i trezora Bosne i Hercegovine za mišljenje, a radi preduzimanja daljih aktivnosti u vezi sa realizacijom izmjena i dopuna Zakona o platama i naknadama u institucijama BiH. Na navedeni akt Ministarstvo finansija i trezora Bosne i Hercegovine nije dostavilo traženo mišljenje.

Nadalje, policijske agencije Bosne i Hercegovine (Državna agencija za istrage i zaštitu BiH, Granična policija BiH i Direkcija za koordinaciju policijskih tijela BiH) uputile su Ministarstvu sigurnosti Bosne i Hercegovine prijedloge o utvrđivanju posebnog dodatka na platu, te je u skladu sa dostavljenim prijedlozima ovo ministarstvo sačinilo prijedlog Odluke o određivanju posebnog dodatka na platu u policijskim agencijama Bosne i Hercegovine i isti shodno propisanoj proceduri dostavilo nadležnim institucijama na mišljenje.

S tim u vezi, Ministarstvo finansija i trezora Bosne i Hercegovine aktom broj: 08-02-2-2244-2/11 od 21.04.2011.godine (a što je u saglasnosti i sa mišljenjem Ministarstva pravde BiH i Ureda za zakonodavstvo Vijeća ministara BiH) ukazalo je na svrsishodnost donošenja predložene Odluke.

Takođe, Ministarstvo finansija i trezora Bosne i Hercegovine istim aktom očitovalo se na način da će pokrenuti proceduru izmjene i dopune Zakona o platama i naknadama u institucijama Bosne i Hercegovine („Službeni glasnik BiH“, br. 50/08, 35/09 i 75/09), i to da se, pored postojećih policijskih agencija, pravo na policijski dodatak predvidi i za policijske službenike zaposlene u Direkciji za koordinaciju policijskih tijela BiH, na koji način bi se osigurao pravni temelj za isplatu dodatka na platu i policijskim službenicima zaposlenim u Direkciji za koordinaciju policijskih tijela BiH.